



ს ა ქ ა რ თ ვ ე ლ ო



30598-01-2-201708181648

საგარეო საქმეთა სამინისტრო

№ 01/30598

18/08/2017

საქართველოს იუსტიციის მინისტრის პირველ მოადგილეს
ბატონ ალექსანდრე ბარამიძეს

საქართველოს შრომის, ჯანმრთელობისა და სოციალური
დაცვის მინისტრის მოადგილეს
ქალბატონ ნინო ბერძულს

საქართველოს ეკონომიკისა და მდგრადი განვითარების
მინისტრის მოადგილეს
ბატონ გენადი არველაძეს

პატივცემულო კოლეგებო,

როგორც თქვენთვის არის ცნობილი, ამერიკის შრომის ფედერაციის და ინდუსტრიული ორგანიზაციების კონგრესის (American Federation of Labor and Congress of Industrial Organizations/AFL-CIO) მიერ საქართველოს წინააღმდეგ შეტანილია პეტიცია დასაქმებულთა უფლებების შესახებ. ამასთან გაცნობებთ, რომ მიმდინარე წლის 26-27 სექტემბერს, ჩანიშნულია GSP-ის პროგრამასთან დაკავშირებული მოსმენა ამერიკის შეერთებული შტატების სავაჭრო წარმომადგენლის (USTR) ოფისში საქართველოს, ბოლივიის, ეკვადორის, ინდონეზიის, ტაილანდის, უკრაინის, უზბეკეთის, ერაყისა და სხვა ქვეყნების წინააღმდეგ შეტანილი პეტიციების თაობაზე. პეტიციის განხილვის შედეგად, აშშ-ის სავაჭრო წარმომადგენლის ოფისი მიიღებს გადაწყვეტილებას პროგრამაში ცვლილებების შეტანისა და სხვადასხვა ქვეყნების GSP-ის სტატუსის გაგრძელების, ან შეწყვეტის შესახებ. აღნიშნულთან დაკავშირებით დამატებითი ინფორმაცია შესაძლებელია იხილოთ შემდეგ ბმულზე: https://www.regulations.gov/document?D=USTR_FRDOC_0001-0425.


ზემოაღნიშნულ ქვეყნების წარმომადგენლებს, ისევე, როგორც მათ წინააღმდეგ პეტიციის ინიციატორებს, აქვთ საშუალება მიმდინარე წლის 12 სექტემბრამდე გააკეთონ კომენტარები, რომელსაც USTR-ი მოსმენაზე განიხილავს. საყურადღებოა, რომ აქამდე მხოლოდ ბოლივიის წინააღმდეგ შეტანილი პეტიციის განხილვა იგეგმებოდა, თუმცა, ახალი გადაწყვეტილების თანახმად, შედეგმა სხვა ქვეყნების პეტიციის განხილვაც.

ხსენებულ განხილვაზე საქართველომ უნდა დაამტკიცოს, რომ ის აკმაყოფილებს GSP-ის პროგრამის კრიტერიუმებს. აღსანიშნავია, რომ პეტიციის ბოლო განხილვა აშშ-ის სავაჭრო წარმომადგენლის ოფისში 2016 წლის იანვარში გაიმართა.

აღნიშნულთან დაკავშირებით, ამერიკის შეერთებულ შტატებში საქართველოს საელჩო გეგმავს შეხვედრების გამართვას AFL-CIO-სა და USTR-ის GSP-ის ქვეკომიტეტის წარმომადგენელთან, რათა მიიღონ ინფორმაცია, თუ რა მოლოდინი შეიძლება, ჰქონდეს ქართულ მხარეს როგორც AFL-CIO-ს, ისე USTR-ის მხრიდან.

გთხოვთ, აღნიშნული ინფორმაციის საფუძველზე, მიმდინარე წლის 12 სექტემბრამდე, თქვენი კომპეტენციის ფარგლებში, ქართული მხარის კომენტარის მომზადებას ზემოხსენებულ ბმულზე მოცემული ინფორმაციის თანახმად. ასევე, გთხოვთ, საჭიროებისამებრ, განიხილოთ აშშ-ში თქვენი უწყების წარმომადგენლების ვიზიტი დაგეგმილ მოსმენაზე დასწრების მიზნით.

პატივისცემით,
ვახტანგ მახარობლიშვილი



მინისტრის მოადგილე